



Lindås kommune
Flyktingtenesta
v/ Tove Hagenes
Kvernhusmyrane 20
5914 ISDALSTØ

Saksbehandlar, innvalstelefon

Andreas Stenersen, 55572169

Innhenting av dokumentasjon - tilsyn - Lindås - introduksjonsloven

Vi viser til innsending av dokumentasjon i samband med tilsyn av individuell plan for deltakarar i introduksjonsprogrammet. Vi har behov for noko tilleggsinformasjon. Nedanfor har vi skrive nokre spørsmål som vi ber om svar på innan 14. oktober 2019.

- 1) I rapport om arbeidet med introduksjonsprogrammet skriv de at kommunen er med i eit interkommunalt samarbeid med ni kommunale flyktingtenester. For å få ei oversikt over kva de samarbeider med dei andre flyktingtenestene om, ber vi om at de skriv litt om dette arbeidet, kva de samarbeider om, korleis organiseringa går føre seg, og om det til dømes er tenester som de kjøper av andre kommunar.
- 2) Vidare kjem det fram av rutinebeskrivingane at alle får pliktig undervisning i samfunnskunnskap ved Nygård skule i Bergen. Korleis vert samarbeidet med Nygård skule organisert? Korleis er arbeidet med den individuelle planen som gjeld undervisninga ved Nygård skule i samfunnskunnskap? Fint om de kan gjere greie for korleis det går føre seg, spesielt med tanke på individuell plan.
- 3) Ved revidering av dei individuelle planane, vert dei «gamle» individuelle planane lagra over med ein ny versjon? Dersom til dømes målet for introduksjonsprogrammet vert endra, er det mogeleg å spore det som var målet forut for ny individuell plan, forutsett at målet for introduksjonsprogrammet vart endra?

Dersom noko av spørsmåla er uklære, ikkje nøl med å ta kontakt.

Vi ber om svar så raskt som mogeleg, og innan 14. oktober 2019.

Med helsing

Helge Pedersen
fung. seksjonsleiar

Andreas Stenersen
seniorrådgjevar



Dokumentet er elektronisk godkjent